



OPĆINA TEŠANJ

T: +387 32 650 547,
+387 32 650 220;
F: +387 32 650 547

www.opcina-tesanj.ba,
e-mail: optesanj@bih.net.ba



juli 2013.

POLAZAK ZA SREBRENICU

eBilten

“...

Ne date nam
Da u prošlost gledamo!
A mi u nju ne gledamo,
nego ona u nas gleda!

Vi kažete:
U budućnost gledajte!

A mi nju
Nikakvu i nigdje
I nikako ne vidimo
Nit vidimo da ona
Ikakvijem okom
U nas gleda
A kamo li da nas vidi
I o nama brine ...

Pjesma o Srebrenici
Abdulah Sidran

Općina Tešanj
Općinski načelnik

RAMAZAN ŠERIF
MUBAREK OLSUN!
ČESTITKE ZA
NAJUSPJEŠNIJE



OPSADA I LISICA

Kako sačuvati identitet, slobodu i suverenost? Je li uticaj probosanskih snaga jak toliko da BiH vodi prema napred?



U vojnoj terminologiji opsada označava stanje u kojem jedna vojska ili naoružana grupa drži u obruču određeni prostor, grad, selo ili naselje. Prilično šturo i jednostavno ova definicija zvuči. Hladno i bezosjećajno.

Osim ovog teoretskog opisivanja, prije tačno 20 godina imali smo priliku da proživimo, hvala Bogu i preživimo, opsadu. I to punih **268 dana, od 24.6.1993. do 18.3.1994. godine.** Kada proživaljavate opsadu, onda se iza ove riječi krije mnogo više doživljaja i emocija, različitih životnih prilika i psiholoških stanja. Ovaj period je za prostore općine Tešanj vjerovatno jedan od najtežih u historiji ovih prostora, naročito kad se sjetimo kako su neke opsade završile (Srebrenica). Srebrenica je Rezolucijom UN-a proglašena zaštićenom zonom, pa ih na kraju UN nije odbranio od genocida.

Većina nas bi vjerovatno mogla ispričati vrlo tešku, bolnu i osjećajnu priču iz tog vremena,

o masovnim stradanjima zbog raketiranja civila, o organizaciji života, proizvodnji hrane, životu bez električne energije, o psihološkom ratu koji je vođen i sl.

Dr Dželal Ibraković je kao jedan od uvodničara tribine koja je prije nekoliko dana upriličena u Centru za kulturu i obrazovanje, pričao o opsadi grada, ali i o opsadi uma.

I, zaista, nakon fizičke opsade, ima potrebe da razmislimo i o psihičkoj opsadi uma. Kako opstati i ne nestati? Kako sačuvati identitet, slobodu i suverenost? Je li uticaj probosanskih snaga jak toliko da BiH vodi prema napred? Kada je sloboda ili država u pitanju ništa se ne dobiva samo od sebe, niti će to neko drugi uraditi za nas. I sloboda i država traže stalni angažman, neprestanu brigu i težnju.

Stalno je prisutno i nastojanje da se pokaže da je agresija na Bosnu i Hercegovinu bila unutrašnja stvar za koju smo svi podjednako odgovorni, ili kako je došlo vrijeme da ne tražimo krivicu

(*Mir, mir, mir - niko nije kriv ili Svi su isti*).


Nekidan pročitah vijest da je umro Slavko Lisica, nekadašnji zapovjednik komandant Druge oklopne brigade Vojske Republike Srpske, i komandant Operativne grupe Doboј (OG Doboј). Isti onaj koji je putem radija poručivao da su nam dani odbrojani i isti onaj koji je vjerovatno najodgovorniji za masovna stradanja civila u Kraševu, Tešnju, Tešanjci, Karadaglijama... Nedugo nakon čuvenog neuspjeha u bitci na Karušama Lisica je prekomandovan. U 1995. godini Slavko Lisica je objavio knjigu autobiografskog karaktera „Komandant po potrebi“ u kojoj na strani 181 navodi da je *operacija (Karuše) propala i iz napada se pretvorila u odbranu.*

Bio bih sretan da se rat na ovim prostorima nikad ne ponovi, da nikada ne strada nijedna osoba. Bez obzira na tu želju istina o opsadi i istina o stradanju se mora znati. Ne samo znati, nego prenositi drugima i čuvati!



Evropska unija na Balkanu, Balkan u Evropskoj uniji

Od nekadašnje zajednice za uglj i čelik pa do današnjeg jedinstvenog ekonomskog prostora, od 6 početnih do današnjih 28 članica.



Evropska unija osnovana je nakon Drugog svjetskog rata. Sve je počelo poticanjem privredne saradnje s namjerom da zemlje koje međusobno trguju postanu privredno ovisne jedna o drugoj i time izbjegavaju sukobe. Tako je 1958. nastala Evropska ekonomska zajednica (EEZ) kojom je u početku pojačana ekonomska saradnja šest zemalja: Belgije, Njemačke, Francuske, Italije, Luksemburga i Holandije. Otada se razvijalo ogromno jedinstveno tržište koje se i dalje razvija u smjeru dostizanja svog punog potencijala. No, koji su to uslovi da se dođe u Evropsku uniju?

Kriteriji koji se postavljaju za sve potencijalne članice Unije su:

- Geografski kriteriji
- Politički (demokratija, vladavina prava, poštivanje ljudskih prava, poštivanje i zaštita prava manjina)
- Ekonomski – tržišna ekonomija
- Zakonodavni - Acquis communautaire .

Intenzitet i način primjene svakog od kriterija zna biti različit. Nekad prevagnu politički, a nekada drugi kriteriji.

Naša prva briga je Bosna i Hercegovina, i njena blizina postavljenim kriterijima, a o drugima se ima ko brinuti. Očito je da Bosna i Hercegovina sama ne može ili ne zna dalje.

Voz zvani BiH stoji na peronu, jer svako od putnika ima kočnicu i može kočiti koliko i kad hoće. Kočnice su nam ugradili u Dejtonu. Vrijeme je za remont, jer je vožnja skupa i nesigurna.

Međunarodne institucije kažu da treba sami da riješimo problem, a Ustav ove zemlje je pravo čudo. Nema nigdje na svijetu nešto slično da funkcioniše. Taj Ustav je okvir koji smo dobili kao rezultat agresije i genocida i kao nastojanje da se zaustavi rat. Eto takav ustav danas ne obezbjeđuje da BiH može napred.

Nekidan sam u posjeti Njemačke ambasadorice imao priliku čuti pohvale na račun ljudi u ovoj zemlji, koji su uspješni na mnogim poljima djelovanja. Pitao sam direktno: *“Kada imamo ovako usješne ljude u različitim područjima, kako to da građani ove zemlje i njihovi predstavnici ne vode ovu zemlju napred”.*

Je li do ljudi ili do Ustava koji je nametnut? Je li do interesa velikih igrača na političkoj sceni? Sve sam jačeg uvjerenja da je sve to zajedno, i totalno nefunkcionalan Ustav i interesi međunarodne zajednice (tj. odsustvo tih interesa) a i mi sami u BiH (svako prema svojoj odgovornosti).

List „Frankfurter Allgemeine Zeitung“ u članku Michaela Martensa o Bosni i Hercegovini donosi i slijedeće riječi autora članka: *„Bosna je zemlja koja kupuje vozove koji ne voze. Bosna je u određenoj mjeri suprotnost od voza Talgo. Svi ga žele, a on nije tu. Bosnu skoro niko ne želi, ali ona je tu. Bosna je država koja ipak postoji. Sada i kao susjed EU”.*

Svima je očito i nama i “njima” da voz zvani BiH stoji na peronu, jer svako od putnika malo, malo, pa koči (jer su nam tolike kočnice ugrađene u Dejtonu).

Ako “oni” hoće da vozimo prema EU trebaju nam otkočiti stvari i izvršiti remont, alata i znanja imaju. Jasno nam je svima da ovako ne ide.

Rang-liste velikih, srednjih i malih kompanija u BiH prema rezultatima poslovanja u 2012. godini.

Već tradicionalno Poslovne novine realiziraju projekat u kojem prepoznaju najbolje i najuspješnije kompanije u Bosni i Hercegovini. Rezultati iz 2012. godine govore da su preduzeća sa prostora općine Tešanj ponovo bila među najuspješnijim u BiH. Ovom prilikom ćemo predstaviti rezultate u različitim kategorijama.

UKUPAN PRIHOD
VELIKA PREDUZEĆA
9. mjesto HIFA OIL
62. mjesto AS DOO
98. mjesto HIFA DOO

IZVOZ
VELIKA PREDUZEĆA
13. mjesto HIFA OIL
40. mjesto MANN+HUMMEL BA
56. mjesto POBJEDA DD
94. mjesto KANTIĆ TOURISTIK

INVESTICIJE
VELIKA PREDUZEĆA
95. mjesto MANN+HUMMEL BA

NETO DOBIT
VELIKA PREDUZEĆA
32. mjesto HIFA OIL
54. mjesto MANN+HUMMEL BA
72. mjesto AS DOO

UKUPAN PRIHOD
SREDNJA PREDUZEĆA
60. mjesto TOČAK DOO

IZVOZ
SREDNJA PREDUZEĆA
38. mjesto SOCKSMAKER3 DOO
57. mjesto KOALA PAINTINGS
68. mjesto IT IN TIME
94. mjesto KANTIĆ TOURISTIK

NETO DOBIT
SREDNJA PREDUZEĆA
79. mjesto INOX AJANOVIĆ
93. mjesto KOALA PAINTINGS



UKUPAN PRIHOD
MALA PREDUZEĆA
16. mjesto EURO-KANTIĆ DOO

50 MALIH PREDUZEĆA
PO IZVOZU
37. mjesto EURO-TRANS DOO
46. mjesto MEDENA-COMMERCE

Vodeći svjetski časopis u ekonomiji o nama, The Economist o Tešnju



Jedan od vodećih svjetskih časopisa u ekonomiji svakako je The Economist, koji se objavljuje još od 1834 godine. Sedmični časopis koji se prodaje u oko 200 zemalja svijeta u tiražu od oko 1,5 miliona primjeraka je u članku koji govori o proizvodnji u Bosni i Hercegovini donio "uspješnu priču" iz Goražda. Toj uspješnoj priči o kvalitetu koji se isporučuje na zapad, Tešanj je našao svoje mjesto, kao sredina u kojoj se uspješno posluje.

Članak se može pročitati na web adresi:
<http://www.economist.com/news/business/21574014-cluster-bombs-industrial-clusters-balkan-brakelights>

BLIC VIJESTI - MAJ



U Tešnju je u junu organiziran značajan sportski događaj. U subotu, 15. juna u Sportskoj dvorani u Tešnju održan je Balkan open kickboxing cup 2013 u organizaciji Centra borilačkih sportova Tešanj. Na ovom takmičenju učestvovalo je 480 takmičara iz 81 kluba iz Bugarske, Makedonije, Albanije, Sjevernog Kipra, Mađarske, Poljske, Norveške, Slovenije, Hrvatske, Srbije, Crne Gore i BiH.



Tokom juna okončan je veći dio sezonskih sportskih takmičenja. Tako su nam pristizali vrlo značajni rezultati. KK Gradina je na državnom takmičenju osvojila treće mjesto u kategoriji pionira. Pioniri NK Borac Jelah su takođe učestvovali u završnici takmičenja. Rezultati su značajni, jer je riječ o ekipnim sportovima i snažnoj konkurenciji.



Radovi na izgradnji infrastrukture prema Listi kapitalnih projekata 2013, koju je usvojilo Općinsko vijeće Tešanj su uveliko u toku. Završeni su radovi u mjesnim zajednicama Raduša, Rosulje, Jelah, u završnoj su fazi radovi u Jablanici, Kraševu, a pripremaju se projekti u Ljetiniću, Kaloševiću, Miljanovcima, Šijama... Projekti gradnje vodovodne infrastrukture rade se u O. Planjama, Medakovu i Trepču. Ove godine počinju radovi u Hrvtinovićima, priprema se glavni prjekat za Radušu. Uskoro se očekuje spajanje bunara u Miljanovcima, te početak radova na izgradnji novih bunara u Jelah polju.



U toku je uređenje podzida pored Regionalnog pputa 474 na doniaci između Tešnja i Jelaha. Projekat se finansira iz budžeta općine i podrškom privrednika. Do sada su učešće uzeli HIFA oil, AS, MADI, Hrvić gradnja.

BLIC VIJESTI - MAJ



Ambasadori Njemačke i Češke posjetili su općinu Tešanj. Tom prilikom razgovarano je o aktuelnoj situaciji u BiH i FBiH, te različitim programima i projektima. Naglašeno je da općina Tešanj u bosanskohercegovačkim okvirima važi za vrlo dinamičnu i produktivnu sredinu u različitim pogledima. Gosti su se interesovali za planirane aktivnosti u narednim godinama.



U Kaloševiću je puštena u rad nova sušara, koja će se koristiti za sušenje ljekovitog bilja. Projekat je finansiran od američkog USAID-a i općine Tešanj, a rezultat je saradnje udruženja Žena ženi international i UG Ruka Kalošević. Već su zasijane značajne količine ljekovitog bilja za šta je obezbijeđen otkup.



Na devetoj sjednici Općinskog vijeća Tešanj, Vijeće je na prijedlog Općinskog načelnika usvojilo Odluku o prenosu prava na nekretninama. Ovom odlukom općina je vratila pod upravljanje oko 200 hektara uglavnom poljoprivrednog zemljišta i riješila prethodno neuređene upise u zemljišnim knjigama.

NAJAVE

- U toku je javni poziv za projekte koji će biti finansirani u okviru LOD 3. Prema najavama na raspolaganju je cca.150.000 KM za projekte koji će biti realizirani na području naše općine. Dan otvorenih vrata, za više informacija je 10.07.2013. Više o tome na općinskoj web stranici.
- Uskoro će biti objavljen oglas za osobe koje će učestvovati kao popisivači u Popisu 2013.
- Vrlo brzo se očekuje polaganje kamena temeljca za gradnju postrojenja za reciklažu u vlasništvu kompanije SGI.
- U narednim danima počinje postavljanje novih dječijih igrališta i autobuskih nadstrešnica planiranih za 2013. godinu.
- U pripremi je manifestacija Ljeto u Tešnju 2013, koja bi trebala početi u prvoj polovini augusta i trajati mjesec dana.